

四庫全書

史部

欽定四庫全書

史部

欽定大清會典則例卷

八十九
九十九

詳校官檢討臣劉圻

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣劉國永

欽定四庫全書

欽定大清會典則例卷八十九

禮部

祠祭清吏司

喪禮三

太妃喪儀順治十八年正月初七日

皇考貞妃薨一切祭儀悉從妃禮○康熙四年十二月

二十五日

皇曾祖壽康太妃薨奉

旨致祭奉安事宜皆於滿百日後舉行自薨逝日爲始
聖祖仁皇帝輟朝三日

大內以下宗室以上三日內咸素服不祭神王以

下奉恩將軍以上民公侯伯都統尚書以下佐

領騎都尉以上公主福晉以下奉恩將軍恭人

以上咸齊集初祭用引旂

以楮爲之

一金銀定

以楮爲之

七萬楮錢七萬畫段萬端饌筵三十一席牛一

羊十有八酒九尊讀文致祭次日繹祭金銀定
五千楮錢五千饌筵五席羊三酒三尊大祭與
初祭同奉移豫日致祭用金銀定楮錢各萬饌
筵十有三席羊五酒五尊至日啟送

盛京

福陵妃園寢期年歲暮清明之祭一應禮儀悉從

妃例○六年十一月三十日

皇考恪妃薨

聖祖仁皇帝輟朝三日

大內以下宗室以上三日內咸素服不祭神王以
下奉恩將軍以上民公侯伯都統尚書子以下
佐領騎都尉以上公主福晉以下奉恩將軍恭
人以上照例齊集初祭大祭繹祭及奉移豫日
致祭皆與

壽康太妃喪禮同

皇祖康惠淑妃薨

聖祖仁皇帝輟朝三日

大内以下宗室以上三日內咸素服不祭神王以
下各官公主福晉命婦照例齊集初祭大祭繹
祭奉移豫日致祭及期年清明歲暮之祭皆與
壽康太妃喪禮同○十三年十一月二十日

皇祖懿靜大貴妃薨

聖祖仁皇帝親詣冠摘纓緯祭酒行禮輟朝三日

大内以下宗室以上咸素服不祭神王以下奉恩

將軍以上滿漢民公侯伯以下四品官以上公
主以下鎮國將軍夫人以上民公侯伯夫人以
下一品夫人以上咸齊集初祭大祭繹祭羊酒
楮帛饌筵之數皆與

康惠淑妃同百日致祭用金銀定楮錢各二萬五
千饌筵十有五席羊七酒七尊奉移

盛京豫日致祭用金銀定楮錢各一萬八千五百
饌筵十有五席羊七酒七尊期年致祭與奉移

禮同清明歲暮之祭皆與祭

康惠淑妃禮同○二十八年四月初三日

皇考恭靖妃薨

聖祖仁皇帝輟朝三日

大內以下宗室以上三日內素服不祭神王以下
一品官以上公主福晉以下一品夫人以上咸
齊集初祭大祭周月百日清明中元冬至歲暮
及奉移奉安致祭一應禮儀與六年

恪妃喪禮同○三十三年六月二十一日

皇考寧懋妃薨

聖祖仁皇帝親詣冠摘纓緯祭酒行禮餘儀與二十八

年

恭靖妃喪禮同○四十八年六月二十六日

皇考端順妃薨一應禮儀與三十三年

寧懋妃喪禮同○五十二年十月三十日

皇考淑惠妃薨

聖祖仁皇帝親詣冠摘纓緯祭酒行禮餘儀與四十八年

端順妃喪禮同○雍正五年閏三月初六日

皇考榮妃薨○十年四月初七日

皇考惠妃薨○十一年八月二十五日

皇考宜妃薨○乾隆元年八月初八日

皇祖宣妃薨一應禮儀皆與康熙五十二年

淑惠妃喪禮同○二年正月初二日

皇祖熙嬪薨照例輟朝三日一應禮儀悉從

嬪例○是年四月初七日

皇考齊妃薨

皇帝親詣冠摘纓緯祭酒行禮餘儀與元年

宣妃喪禮同○四年三月十六日

皇祖謹嬪薨一應禮儀與二年

熙嬪喪禮同○五年十月三十日

皇祖成妃薨一應禮儀與元年

宣妃喪禮同○八年四月初一日

皇祖懿惠太妃皇貴妃薨由部以輟朝五日具奏奉

旨輟朝十日

皇帝親詣冠摘纓緯祭酒行禮一應禮儀與雍正三

年

敦肅皇貴妃喪禮同○九年四月十八日

皇祖順懿密太妃薨奉

旨除事出之日不計外輟朝三日

金史卷八十九
皇帝親詣冠摘纓緯祭酒行禮餘儀與五年

成妃喪禮同○是年六月二十三日

皇祖通嬪薨○十一年六月二十八日

皇祖襄妃薨一應禮儀與四年

謹嬪喪禮同○十八年十二月二十日

皇祖純裕勤太妃薨

皇帝親詣冠摘纓緯祭酒行禮○二十二年四月初

七日

皇祖定妃薨

皇帝親詣冠摘纓緯祭酒行禮餘儀皆與九年

順懿密太妃喪禮同



--	--	--	--	--	--	--	--

一

皇貴妃喪儀雍正三年十一月二十三日

敦肅皇貴妃薨

世宗憲皇帝輟朝五日

大內以下宗室以上十日內咸素服不祭神所生
皇子摘冠纓截髮辮成服二十七日除服百日剃
頭

皇貴妃宮中女子內監皆剪髮截髮辮成服嫔戚

人等成服皆大祭日除服百日剃頭

特簡公大臣辦理喪儀奏遣近支王公七人內務府總

管一人散秩大臣三人侍衛九十人成服大祭

日除服剃頭尚茶尚膳人等成服皆大祭日除

服百日剃頭內府三旗佐領內管領下官員男

婦以三分之一成服大祭日除服剃頭執事內

管領下人員大祭日除服百日剃頭皆停止截

髮辮剪髮○初薨日親王以下奉恩將軍以上

民公侯伯以下四品官以上朝夕日中三次設奠咸齊集公主福晉以下縣君一品夫人以上朝夕奠齊集至奉移後惟祭日齊集百日内三次奠獻百日後至未葬以前每日中一次奠獻朔望仍三次皆內府官及內府佐領內管領下成服男婦齊集每奠獻遣內管領妻祭酒三爵每祭一叩衆隨行禮畢各退○二十八日奉移金棺於阜成門外十里莊先期行奉移禮致祭

金銀定七千五百楮錢七千五百饌筵七席羊
二酒五尊設儀仗讀文致祭齋集行禮奉移日
禮部堂官祭輦金棺啟行王以下各官咸隨行
所過門橋禮部堂官祭酒公主福晉命婦等皆
先往

殯宮祇候奉安祭酒行禮畢各退○越日行初祭
禮用金銀定楮錢各九萬畫段千端楮帛九千
饌筵三十五席羊二十一酒二十一尊設儀仗

齊集行禮與奉移致祭同次日繹祭金銀定楮
錢各七千五百饌筵七席羊三酒三尊禮部工
部內務府光祿寺堂官及內務府成服之官員
執事人等男婦齊集行禮大祭禮與初祭同次
日繹祭如前繹祭儀○又奏準

貴妃晉封

皇貴妃於未受

冊封之前薨金

冊寶停其鑄造照例製絹

冊寶備書謚號擇日遣正副使二人讀文致祭先期

一日遣官祇告

太廟後殿

奉先殿告祭事宜由各該衙門辦理絹

冊寶由工部製造

冊文祭文由翰林院撰擬

冊謚吉期由欽天監選擇

皇貴妃先封

貴妃之金

冊寶交內務府收貯至日行

冊謚禮王以下四品官以上公主福晉命婦等咸齊

集鑾儀衛豫設采亭於

午門外正副使二人詣內閣於

冊寶案前一跪三叩恭奉

冊寶由

午門中門出安采亭內一跪三叩興校尉昇亭

冊前

寶後黃蓋御仗前導執事官員隨行至

殯宮大門外亭止正副使於亭前一跪三叩恭奉

冊寶由

殯宮中門入陳於案

冊左

寶右正使詣香案前三上香畢宣讀官以次宣讀

冊文

寶文畢復於案退讀文祭酒致祭行禮如儀○初

周月致祭用金銀定一萬楮錢一萬一千饌筵

十有一席羊五酒五尊設儀仗齊集行禮

周二三周月

致祭同○百日內遇清明致祭不焚楮錢用挂楮

錢寶花

即佛朵

一座中元冬至歲暮致祭用金銀

定楮錢各一萬五千皆饌筵十有五席羊五酒

五尊設儀仗齊集行禮百日後清明用挂楮錢

寶花一座中元冬至歲暮金銀定一萬楮錢一萬一千皆饌筵九席羊三酒三尊○四年三月行百日致祭禮用金銀定楮錢各二萬五千饌筵十有五席羊七酒七尊設儀仗齊集行禮儀與大祭同○是年十一月期年致祭用金銀定楮錢各一萬八千五百饌筵十有五席羊七酒七尊設儀仗齊集行禮儀與百日致祭同○五年再期致祭用金銀定二萬楮錢一萬饌筵九

席羊五酒五尊設儀仗齊集行禮儀與期年同
○六年奏準

皇貴妃在殯已逾三年所有朔望三時奠獻每日
中奠饌筵應行停止每月朔望奠饌筵一席羊
一四時致祭用金銀定楮錢各一萬饌筵十有
一席羊五酒五尊清明用挂楮錢寶花一座忌
日用金銀定楮錢各一萬八千五百饌筵十有
五席羊七酒七尊不設儀仗內管領下官員執

事人等齊集每致祭時辦理喪儀公大臣及禮部工部內務府光祿寺堂官各一人前往監視致祭令內管領妻祭酒朔望祭祀令宮殿監領侍祭酒掌儀司官一人監視奠獻○乾隆二年奉移

金棺隨

孝敬憲皇后送往

泰陵先期行奉移禮用金銀定楮錢各一萬八千五百

饌筵十有五席羊七酒七尊設儀仗齊集行禮
沿途駐宿奉安於蘆殿左間奠饌筵一席至日
奉安於

隆恩殿西蘆殿次日行奉安禮致祭用金銀定楮錢各
一萬五千饌筵十有三席羊五酒五尊設儀仗
辦理喪儀王大臣暨送往之公大臣官員在

陵之貝勒大臣官員暨貝勒夫人大臣官員妻等咸齊
集禮畢各退至葬日先期行奉移禮致祭與前

奉安致祭儀同屆期恭移金棺升太平車從葬
泰陵○十年正月二十六日

慧賢皇貴妃薨是日

諭皇貴妃高氏著晉封慧賢皇貴妃欽此遵

旨敬稽典禮請照

冊謚敦肅皇貴妃之例製造絹

冊寶書奉

旨加封字樣遣正副使二人行

冊諡禮前期遣官各一人祇告

太廟後殿

奉先殿屆期陳設儀仗讀文致祭王公各官齊集行禮
儀與雍正三年同○又奏準

慧賢皇貴妃薨

皇上輟朝五日王以下四品官員以上公主福晉以
下一品夫人以上咸照例齊集發引日先期行
奉移禮百日內三設奠初祭大祭次日繹祭周

月百日致祭安葬以前清明及中元冬至歲暮
致祭期年再期並三年後致祭一應禮儀皆與
雍正三年

敦肅皇貴妃喪禮同○是年正月二十五日

諭皇長子生母哲妃富察氏著追封皇貴妃所有應
行典禮該部察例具奏欽此二十六日

諭皇貴妃富察氏著追封哲憫皇貴妃欽此遵

旨議準請將追封字樣書於絹

冊寶前期遣官祇告

太廟後殿

奉先殿屆期遣正副使讀文致祭行

冊諡禮與

冊諡

慧賢皇貴妃儀同○十六年奉移

慧賢皇貴妃

哲憫皇貴妃金棺隨

孝賢皇后梓宮送往

陵寢前期行奉移禮沿途奠饌筵至

陵寢之次日安葬前一日行奉安奉移禮致祭一應
禮儀皆與乾隆二年

敦肅皇貴妃安葬禮同○二十年十一月十六日
嘉貴妃薨追謚

淑嘉皇貴妃一應禮儀與

慧賢皇貴妃喪禮同

一

貴妃喪儀康熙三十三年十一月初三日

溫僖貴妃薨是日奏

貴妃薨應輟朝三日

大內以下宗室以上三日內咸素服不祭神奉

旨著輟朝五日

貴妃所生

皇子截髮辮摘冠纓成服至大祭日除服百日剃

頭

貴妃宮內女子及內監咸剪髮截髮辮成服至大祭日除服百日剃頭嫔戚人等成服大祭日除服百日剃頭

命皇子三人成服餘皆摘冠纓內務府總管一人及茶膳人員成服至大祭日除服剃頭所屬二內府佐領二內管領下官員人等及伊等之妻成服至大祭日除服百日剃頭○初薨日親王以下

奉恩將軍以上民公侯伯以下一品官以上朝
夕日中設奠三次咸齊集公主福晉以下縣君
一品夫人以上朝夕奠齊集至奉移後惟祭日
齊集三月內日上食三次百日內上食二次皆
內務府官及管領下成服之男婦齊集未葬期
年內每朔望上食一次○又定

貴妃金棺奉移至朝陽門外

殯宮行初祭禮用金銀定七萬楮錢七萬畫段千

端楮帛九千饌筵三十一席羊十有九酒十有九尊設儀仗齊集行禮次日繹祭用金銀定楮錢各五千饌筵五席羊三酒三尊不設儀仗惟內務府官員男婦齊集大祭與初祭同次日繹祭與前繹祭同初周月用金銀定楮錢各萬饌筵十有一席羊五酒五尊二三周月同百日致祭與周月同未葬期年致祭與百日同咸設儀仗衆齊集清明不焚楮帛用挂楮錢寶花一座

中元及冬至歲暮用金銀定二千楮錢一千皆
饌筵五席羊一酒一尊○又定

貴妃金棺奉移

妃園寢先期行奉移禮用金銀定楮錢各一萬五
千饌筵十有三席羊五酒五尊設儀仗衆齊集
沿塗宿次奠饌筵一至

陵寢日不直班之大臣官員咸於興龍口之外跪迎舉
哀候過隨行奉安

園寢廬殿次日行奉安禮羊酒祭物咸與奉移同
皇子及送往之大臣官員在

陵寢之大臣官員及其妻咸齊集將入

園寢先期行奉安禮致祭禮儀與前奉安同○又
奏準期年致祭焚楮錢陳饌筵嗣後忌日照

妃園寢祭祀之例於

饗殿內供果實十二盤酒三爵上香行禮

妃喪儀崇德六年九月十七日

關雎宮宸妃薨王以下佐領品級以上固倫公主
親王福晉以下副都統夫人以上咸齊集陳設
采仗○奉移時

太宗文皇帝親臨送齊集王以下佐領以上公主福晉
以下副都統夫人以上送至

園寢奉安畢

太宗文皇帝祭酒三爵王以下皆跪每祭行一叩禮候

聖駕還宮衆皆退○初祭禮王以下佐領品級以上公主福晉以下副都統夫人以上齊集

太宗文皇帝親臨祭酒三爵子以上各祭酒一次讀祭文時王以下各官皆跪讀畢興

聖駕還宮衆皆退○周月致祭禮

太宗文皇帝親臨王以下大臣等齊集祭酒行禮如儀
○大祭禮

太宗文皇帝親臨王以下佐領品級以上公主福晉以

下副都統夫人以上齊集陳設祭品畢王貝勒
以下各官序立宣讀追謚

冊文王以下衆官皆跪宣讀畢

太宗文皇帝祭酒王以下衆官行三叩禮內大臣以上
外藩王貝勒以下暨朝鮮國王世子各祭酒一次
聖駕還宮衆皆退○朝鮮國王遣使行祭禮是日守
陵官於

殿內設香燭案禮部官於儀仗末東西設案陳禮

物兩黃旗大臣在階下兩翼排班來使亦在階
下東西序立內院大臣奉祭文進

殿女官焚香來使赴甬道前跪衆官在東西兩旁
跪讀滿祭文畢女官祭酒一爵衆一叩次讀漢
祭文畢女官祭酒一爵衆一叩次讀蒙古祭文
畢女官祭酒一爵衆一叩衆官皆立舉哀來使
行三跪九叩禮畢衆止哀各退○二周月致祭
禮

太宗文皇帝親臨兩黃旗大臣齊集祭酒行禮與初周
月同○又行大祭禮

太宗文皇帝暨

孝端文皇后親臨貝勒以下佐領以上副都統夫人以
上齊集

太宗文皇帝祭酒衆皆跪行六叩禮外藩王朝鮮國世
子兩黃旗大臣各祭酒一次

聖駕還宮衆皆退○順治初年定

金史卷八十九
妃嬪之喪皆內務府掌行臨時請

旨○十五年三月十五日

悼妃薨追謚曰悼一切禮儀悉從妃例○康熙九年四月十二日

慧妃薨

聖祖仁皇帝輟朝三日

大內以下宗室以上三日內咸素服不祭神

妃宮中女子內監剪髮截髮辮咸成服二十七日

除服百日剃頭嬖人等成服二十七日而除
百日剃頭茶膳房人員男婦成服皆於大祭日
除服百日剃頭○又定

妃初薨日親王以下奉恩將軍以上民公侯伯以
下一品官子以上公主福晉以下縣君奉恩將
軍一品夫人以上咸齊集奉移日祭日同二周
月內日上食三次百日內日上食二次均內府
官及執事內管領下官員男婦齊集○又定

妃金棺奉移

殯宮行初祭禮用金銀定七萬楮錢七萬畫段千
端楮帛九千饌筵三十一席羊十有九酒十有
九尊設采仗衆齊集行禮次日繹祭金銀定楮
錢各五千饌筵五席羊三酒三尊不設采仗執
事內管領下官員男婦齊集大祭與初祭同次
日繹祭與前繹祭同周月致祭用金銀定楮錢
各一萬饌筵十有一席羊五酒五尊二周月三

周月百日致祭及未葬期年致祭羊酒楮帛之
數皆與初周月同清明設挂楮錢寶花一座中
元及冬至歲暮用金銀定二千楮錢一千皆饌
筵五席羊一酒一尊執事內管領下官員男婦
齊集○二十年

妃金棺由殯處奉移

妃園寢豫期行奉移禮用金銀定楮錢各一萬五
千饌筵十有三席羊五酒五尊設采仗衆齊集

沿途駐宿奠饌筵一至

陵日不直班之大小官員咸於十里外跪迎舉哀候過
隨行奉安

園寢廬殿次日行奉安禮陳設祭物與奉移同送
往大臣官員暨在

陵之大小官員等及其妻咸齊集將入

園寢先一日行奉移禮與前奉安禮同至吉期安
葬○三十五年六月二十日

平妃薨一應禮儀與康熙九年

慧妃喪禮同○三十八年七月二十五日

敏妃薨一應禮儀與三十五年

平妃喪禮同

雍正元年追封爲

敬敏皇貴妃○五十年十一月二十日

良妃薨一應禮儀與三十五年

平妃喪禮同○雍正十二年五月二十四日

寧妃薨一應禮儀與康熙五十年

良妃喪禮同

一

嬪喪儀康熙年間定

嬪薨逝

皇帝輟朝二日

大內以下宗室以上二日內咸素服不祭神

嬪所生暨撫養

皇子皇子福晉截髮辮剪髮摘冠纓去首飾成服

二十七日除服百日剃頭

嬪宮中女子內監剪髮截髮辮成服二十七日除

服百日剃頭嫔戚人等成服二十七日而除百

日剃頭奏派內務府總管一人成服

無所出者不奏

至

大祭日除服剃頭執事內管領一人及執事內

管領下男婦之半成服皆大祭日除服百日剃

頭○又定

嬪初薨日親王以下奉恩將軍以上民公侯伯以

下一品官子以上公主福晉以下縣君奉恩將軍一品夫人以上齊集奉移日祭日同一月內三設奠百日內朝夕奠內府成服官員護軍領催男婦於奉移前分班齊集至百日後男婦各十人齊集○又定初祭用金銀定五萬楮錢五萬畫段七百楮帛五千饌筵二十一席羊十有一酒七尊設采仗衆齊集行禮次日繹祭用金銀定楮錢各三千饌筵三席羊三酒三尊內府

官員及執事內管領下成服之男婦齊集大祭
與初祭同次日繹祭與前繹祭同周月致祭用
金銀定楮錢各七千饌筵七席羊三酒三尊二
周月三周月及百日致祭羊酒祭筵之數同清
明不焚楮帛設挂楮錢寶花一座中元及冬至
歲暮用金銀定二千楮錢一千皆饌筵二席羊
一酒一尊內府官員及內管領下成服之男婦
齊集○又定

嬪金棺移送

妃園寢豫期行奉移禮用金銀定楮錢各一萬饌筵九席羊三酒三尊沿塗宿次奠饌筵一至

陵日不直班之大小官員等咸於十里外立迎舉哀候過隨行至

園寢廬殿次日行奉安禮陳設與奉移同送往大臣及在

陵之大小官員皆齊集將入

園寢先一日行奉安禮與前奉安禮同至吉期安葬

一

貴人喪儀康熙年間定

貴人薨逝所生

皇子皇子福晉截髮辮剪髮摘冠纓去首飾成服
二十七日除服百日剃頭

貴人宮內女子內監剪髮截髮辮成服執事內管

領一人及執事內管領下男婦之半成服皆大祭日除服百日剃頭○又定

貴人初薨日貝勒以下一品官以上貝勒夫人以下一品夫人以上咸齊集奉移日祭日同大祭以前朝夕二設奠百日内日一奠內府成服官員護軍領催男婦奉移前分班齊集至百日後男婦各十人齊集○又定初祭用金銀定楮錢各三萬畫段五百楮帛三千饌筵十有五席羊

九酒七尊次日繹祭金銀定楮錢各二千五百
饌筵三席羊三酒三尊大祭與初祭同次日繹
祭與前繹祭同初周月致祭金銀定楮錢各七
千饌筵七席羊三酒三尊二三周月百日致祭
同清明不焚楮帛設挂楮錢寶花一座中元及
冬至歲暮金銀定二千楮錢一千皆饌筵二席
羊一酒一尊○又定

貴人金棺奉移

妃園寢豫期行奉移禮用金銀定楮錢各七千饌
筵七席羊三酒三尊奉安

園寢次日行奉安禮送往大臣官員及在

陵大小官員並其妻咸齊集先一日行奉安禮與前奉
安禮同至吉期安葬

一常在答應等喪儀順治十八年定凡未有封
號宮人喪禮隆替不等皆由禮部行文各該衙
門備辦

欽定大清會典則例卷八十九

欽定四庫全書

欽定大清會典則例卷九十

禮部

祠祭清吏司

喪禮四

一

皇太子喪禮乾隆三年十月十二日

端慧皇太子薨是日

諭皇次子永璉乃皇后所生朕之適子爲人聰明貴重氣宇不凡當日蒙

皇考命名永璉隱然示以承宗器之意朕御極以後不即顯行冊立皇太子之禮者蓋恐幼年志氣未定恃貴驕矜或左右諂媚逢迎至於失德甚且有窺伺動搖之者是以於乾隆元年七月初二日遵照皇考成式親書密旨召諸王大臣面諭收藏於乾清宮正大光明匾之後是永璉雖未行冊立之禮朕已

命爲皇太子矣今於本月十二日偶患寒疾遂致不起朕心深爲悲悼朕爲天下主豈肯因幼殤而傷懷抱但永璉繫朕適子已定建儲之計與衆子不同一切典禮著照皇太子儀注行元年密藏匾內之諭旨著取出將此曉諭天下臣民知之欽此
遵

旨議準謹按會典內並未開載

皇太子喪禮我

朝典禮凡冲齡薨逝皆不成服今

皇太子喪禮謹公同酌議除奉

旨辦理喪儀之王大臣暨由宗人府奏請奉

旨成服之王公及

皇太子侍從執事人員咸應成服外其內府佐領

內管領下官員護軍驍騎人等應以六百人成

服王公官員齊集喪次咸素服摘冠纓

紫禁城行走

午門前朝會各衙門辦事公所仍綴纓緯

皇帝素服七日若詣

皇太子金棺處請摘纓緯親王以下有頂帶官員
以上咸摘冠纓素服七日成服王公官員兵丁
人等於初祭日除服直省官員於奉文之日咸
摘冠纓素服三日在京四十日直省二十日停
止嫁娶音樂再幼殤例無引藩今請照雍正年
間懷親王喪儀仍用引藩其製造

冊寶贈諡號一應典禮交與各該衙門辦理奉

旨在京官員軍民人等初祭以內著停止嫁娶作樂
直省於文到日爲始三日內停止嫁娶作樂○又
奏準應制服人員奏除上三旗侍衛九十人內
大臣散秩大臣應成服者由領侍衛內大臣具
奏請

旨外藩額駙王公台吉公主福晉郡主等於服內來
京者摘冠纓去耳環朝鮮使臣在京令其素服

七日○又奏準本月十二日

皇太子薨照例輟朝七日和碩親王以下奉恩將軍以上覺羅民公侯伯以下有頂帶官員以上公主福晉以下鎮國將軍一品夫人以上咸齊集奉

旨公主福晉等著於十三日齊集見今天氣寒冷嗣後每逢祭日齊集餘日不必齊集○又奏準

皇太子薨逝行文各省摘冠纓三日軍營非各省

可比應令軍營官弁兵丁素服三日停摘冠纓
又奏準上書房侍

皇太子讀書大臣官員六人咸令成服○又議準
十三日辰時

皇太子入金棺吉十六日卯時奉移吉金棺照例
用柁木內襯采段素段七層發引日東以紅織
金段三道檐帷咸用秋香色龍段設

几筵陳銀五供百日内朝夕奠獻羹飯肴饌日中

奠饌筵朝晡奠獻時儀駕全設奉移以前王以下各官咸齊集十六日奉移

金棺於田村豫日行啟奠禮設儀仗陳冠服

几筵前設祭品列饌筵於露臺兩旁設祭文案於

殿東檐下用金銀定

以紙爲之後仿此

一萬楮錢一萬

五色楮帛一萬饌筵十有五席羊七酒九尊王

以下有頂帶官員以上公主福晉以下鄉君大

臣命婦以上咸齊集禮部堂官奉祭文入設檐

金史卷九十一
卷九十一
下西案上是日

皇帝親臨祭酒竢上食畢讀祝官奉祭文於闕外正中北嚮跪衆皆跪哀暫止讀祭文畢舉哀祭酒三爵每祭遣官一叩衆隨行禮舉哀畢各退讀祭文官奉祭文內監奉冠服送至燎所燎畢各退奉移之日王公等於

東華門外閒散宗室覺羅於景山後左翼各官於騎河樓西口右翼各官於景山東柵欄漢官於

地安門外齊集

皇帝親臨視送屆時辦理喪儀王公大臣內務府鑾儀衛工部堂官率校尉等奉移

皇太子金棺祭酒三爵每祭一叩

金棺由

東華門中門出登大輦禮部堂官祭輦祭酒三爵衆隨行禮

靈駕發前列儀駕鞍馬二十七匹散馬二十三匹

駝十有八執事王大臣官員左右翼衛成服之
王公隨行侍衛班領率

皇太子豹尾班槍六儀刀四後隨所過門橋遣散
秩大臣一人祭酒

靈駕所至王以下各官各於齊集處舉哀跪迎候
過步送年老有疾王大臣及漢官豫往田村
殯宮大門外齊集公主福晉以下大臣命婦以上
豫於大門內齊集成服婦女於命婦後齊集

靈駕至各舉哀跪迎王公大小官員咸於
殯宮大門外分翼序立執事王大臣奉安

金棺設几筵祭酒三爵衆隨行禮畢各退百日內
奠獻不齊集成服之王公內有執事人員除服
後分爲三班於奠獻時入內舉哀內府官員護
軍驍騎人內以五十人爲一班更番入內舉哀
祭文由翰林院撰擬饌筵尊酒由光祿寺羊隻
由慶豐司近前饌筵由內管領楮錢次幕等物

由工部豫備○又奏準二十三日行初祭禮用
金銀定楮錢各十有一萬畫段一萬楮帛五千
饌筵六十三席羊二十一酒二十五尊

皇太子儀駕全設○是日

皇帝親詣致奠親王以下入八分公以上大學士內
大臣於二門外齊集民公侯伯以下有頂帶官
員以上於大門外齊集近支王等福晉等於
殯殿內齊集和碩福晉以下大臣命婦以上於二

門內西旁齊集

皇帝乘輿由中門入至月臺上降輿入殯殿於東旁
坐讀祝官奉祭文至闕外正中跪讀哀暫止衆
皆跪讀畢俟進饌畢進奠几大臣進爵

皇帝於坐次祭酒三爵每祭衆皆行一叩禮乃徹饌
皇帝回鑾讀祝官奉祭文送燎所遣官祭酒三爵衆

隨舉哀行禮畢各退

大祭及百日致祭
皆遣親王行禮

○是日

成服人皆除服剃頭

皇太子近前侍衛執事人內監等至百日後剃頭
次日繹祭用金銀定楮錢各七千五百饌筵九
席羊三酒三尊辦理喪儀大臣暨禮工二部內
務府光祿寺堂官及內府成服官員男婦齊集
二十七日大祭禮與初祭同次日繹祭與前次
繹祭同十一月行初周月禮適逢齋戒改期初
七日用金銀定楮錢各二萬五千饌筵十有七
席羊七酒七尊設儀駕齊集行禮二三周月皆

用金銀定一萬楮錢一萬一千饌筵十有一席
羊五酒五尊百日致祭用金銀定楮錢各三萬
楮帛一萬饌筵十有九席羊七酒七尊設儀駕
照例齊集百日後每日三次奠獻周月致祭皆
停止冬至歲暮清明中元皆設饌筵十有五席
羊五酒五尊清明不焚楮帛進挂楮錢寶花一
座中元冬至歲暮用金銀定楮錢各一萬五千
皆不齊集期年致祭禮儀與百日同再

皇太子金棺漆飾三十五次照欽天監擇吉於本年漆飾二三次竣明春再行漆飾○又奏準十一月朔六日行

冊諡禮

命親王郡王爲正副使於前期一日遣官各一人祇告

太廟後殿

奉先殿至日鑾儀衛陳

皇太子儀駕於田村

殯宮大門外內府官設

冊寶案各一於

几筵前左右設祀案於左鴻臚寺官設

冊寶案於

太和門階上正中設采亭於階下正副使及執事

各官咸素服於階下東旁序立內閣學士奉絹

冊寶大學士隨行升中階設各案上行一跪三叩禮

退立階下之東禮部堂官引正副使由東階升

詣

冊寶案前行一跪三叩禮興正使奉

冊副使奉

寶由中道降階設采亭內一跪三叩興校尉昇亭
前列黃蓋御仗由中道出正副使後隨內大臣
侍衛於

午門內金水橋跪送王以下奉恩將軍以上於

午門外常朝處跪送侯過隨行采亭由

長安右門出阜成門民公侯伯以下四品官以上

豫往田村

殯宮大門外分翼齊集竢采亭至跪迎亭入中門
至二門止正副使詣亭前一跪三叩興奉絹

冊寶進

殿陳設於案詣香案前上香宣

冊寶官各宣

冊寶如儀畢正副使行一跪三叩禮由

殿西門出次鴻臚寺官引王以下入八分公以上
於二門外引民公以下四品官以上於大門外
按翼序立太常官引承祭官就拜位上香讀祝
奠帛三獻爵行禮如儀禮成奉祝文絹

冊寶送燎所焚訖承祭官及衆官皆退正副使復
命奏

冊謚禮成次日以

冊諡

端慧皇太子禮成由部頒行各直省並行知朝鮮
國王令該國王官員等於文到日素服三日軍
民人等三日內不嫁娶不作樂其進香之處照
例停止○又奏準

端慧皇太子百日後應照明悼恭太子止用素羞
之禮每月朔望獻酒三爵供果實十有二盤點
香燭行禮未葬之前每遇四時及周年禮仍照

原議辦理其朔望致祭請

旨豫命內大臣散秩大臣數人輪流行禮四時及周年致祭由部奏遣王貝勒承祭○十一月行周月致祭禮

皇帝親臨祭酒儀與初祭同陳羊酒饌筵照原議行
二三月奠皆承祭官將事○四年期年小祥照
百日禮陳設羊酒饌筵楮帛如數陳儀駕衆齊
集

皇帝親臨祭酒儀與初月祭同○五年再期大祥設儀駕陳羊酒饌筵楮帛如數衆照例齊集

皇帝親臨祭酒咸與期年儀同○六年

端慧皇太子忌辰一應祭儀與再期同○七年忌

辰親王以下奉恩將軍以上及內府官員咸齊

集民公侯伯以下三品官以上一半齊集公主

福晉命婦停止齊集餘儀與六年同○是年奏

準

金史卷九十一
端慧皇太子

園寢卜吉於朱華山動土興工遣工部堂官一人

祇告

后土

司工之神○八年奏準

端慧皇太子金棺移送朱華山

園寢明年山嚮不宜安奉請於今年卜吉安葬見

在

饗殿工程未竣請暫蓋

廬殿致祭○是年十月忌辰祭儀與七年同○十一月初六日奉移

端慧皇太子金棺恭送朱華山安葬先期一日行祖奠禮設儀駕衆齊集陳羊酒饌筵楮帛皆如啟奠

皇帝親臨祭酒儀與期年同至日王以下奉恩將軍以上民公侯伯以下有頂帶官員以上於大門

外齊集公主福晉以下尚書子一品夫人以上
於柵欄內齊集竣

皇太子金棺過跪舉哀金棺升大輦陳儀駕鞍馬
八匹於前禮部堂官祭輦祭酒三爵乃啟行辦
理喪儀王公大臣禮工二部堂官內務府總管
及奏遣往送之王公內大臣侍衛皆隨行所過
門橋皆禮部官祭酒沿途分爲四程每程豫蓋
廬殿安奉金棺畢奠饌筵一祭酒三爵送往之王

公大臣官員皆隨行禮至

園寢日在

陵寢貝勒公及不直班之大小官員咸於朱華山附近處道右跪迎舉哀候過隨行

皇太子金棺入暫安

蘆殿行遣奠禮奠饌筵一祭酒三爵送往之王公大臣官員及齊集之貝勒公大小官員咸隨行禮十一日質明陳太平車於隧道於金棺前行

遷奠禮用金銀定楮錢各一萬楮帛一萬饌筵
十有五席羊七酒九尊設儀駕齊集行禮如儀
屆時祭酒三爵奉移金棺升太平車祭酒三爵
移太平車由隧道入地券奉安石床掩閉券門
祭酒三爵衆舉哀隨行禮畢卒哭各退○九年
饗殿告竣製造

神主遣禮部工部堂官各一人朝服上香行禮由
部行文內閣兼書清漢

端慧皇太子神位字樣刻字填青均內閣禮部大臣上香行禮填青畢奉安

神主於櫝內供於

饗殿東廡擇吉行題主禮至日豫設

神座於

饗殿正中設奠案五供香几於座前設

主案於香案之東屆期禮部堂官啟櫝恭奉

神主於案大學士詣案前行一跪三叩禮興西嚮

題畢禮部堂官恭奉

神主跪安

神座行一跪三叩禮退題主畢陳牛一羊二帛一爵三承祭親王上香奠帛讀祝三獻行禮如儀禮成內府執事官恭奉

皇太子神主安奉寢室四時行大饗禮

一

皇子喪禮順治年間定

皇子榮親王薨逝追封榮親王治喪視親王加厚
卜葬於黃花山園寢歲時祭饗○康熙年間定
凡

皇子初殤皆備小式朱棺祔葬於榮親王園寢惟
開墓穴平葬不封不樹○雍正六年

皇八子懷親王薨是日奏準

皇八子薨逝金棺照例用柁木內襯五層漆飾十

五次

皇帝輟朝三日

大內咸素服三日不祭神是日親王以下奉恩將軍以上民公侯伯以下騎都尉品級官員以上公主福晉以下二品夫人以上咸齋集奉移前每日二次供獻陳設親王儀衛至暫安處於祭日陳設儀衛奉移大輦用舁夫八十人由五城選用金棺前陳列儀駕鞍馬散馬各十有五駝八後隨豹尾槍四大刀四每過門橋皆祭酒金

棺至東直門外外殯所奉安畢陳設五供祭酒
三爵百日內日朝奠肴饌日晡奠饌筵各一初
祭用金銀定楮錢各七萬饌筵三十有一席羊
十有九酒十有九尊設儀衛遣官讀文致祭祭
文由翰林院撰擬次日繹祭用金銀定楮錢各
二千饌筵五席羊五酒五尊大祭如初祭次日
繹祭如前繹祭周月致祭用金銀定楮錢各一
萬饌筵十有五席羊九酒七尊百日致祭與月

祭同未葬期年及中元冬至歲暮清明皆與月
祭禮同惟清明不焚楮帛設挂楮錢寶花一座
百日後停止月祭○十三年十一月

諭朕兄皇長子乃

皇妣孝敬皇后所生朕弟皇八子素爲

皇考所鍾愛當日曾以親王禮殯葬今朕眷念手足之
誼均著追封親王一切應行典禮著宗人府會同
禮部察例具奏欽此遵

旨議準追封親王諡號由內閣擬字進呈恭候

欽定應用紙冊由工部製備冊文由內閣翰林院撰
書封謚日期由欽天監選擇屆期由部奏遣大
臣各一人前往殯處讀文致祭祭日設金銀定
楮錢各一萬饌筵十有五席羊九酒七尊宣讀
冊文祭畢同祭文送燎祭文由翰林院撰擬祭品由
各該衙門備辦見今修造園寢竣安葬後照封
謚字樣製造神牌遣大臣往祭安設饗堂每年

清明中元歲暮皆照例祭祀○乾隆三年黃花
山端親王金棺皇三子金棺於十月二十二日
移送東直門外懷親王金棺於二十六日移送
陳設儀衛隨行沿途各蓋蘆棚咸於十一月初
五日安葬○又議準端親王懷親王皇三子既
葬後每年中元歲暮致祭各用金銀定二千楮
錢一千清明用挂楮錢寶花皆有饌一饌筵一
羊一酒一尊○十三年正月初一日

悼敏皇七子薨逝是日

諭皇七子永琮毓粹中宮性成夙慧甫及兩周岐嶷表異

聖母皇太后因其出自正適聰穎殊常鍾愛最篤朕亦深望教養成立可屬承祧今不意以出痘薨逝深爲軫悼建儲之意雖朕衷默定而未似端慧皇太子之書旨封貯又尚在襁褓非其兄可比且中宮所出於古亦無遭殤追贈槩稱儲貳之理但念皇

后名門淑質在

皇考時雖未久承孝養而十餘年來侍奉

皇太后承歡致孝備極恭順作配朕躬恭儉寬仁可稱
賢后乃誕毓佳兒再遭夭折殊難爲懷皇七子喪
儀應視皇子從優著該衙門遵旨辦理送入朱華
山園寢欽此○又議準

皇七子薨逝擇吉於初二日奉入金棺照懷親王
之例金棺用柁木執事官員內監等摘冠纓不

成服除齋戒王公不齊集外其餘王大臣公主
福晉照例齊集初四日奉移曹八里屯暫安設
親王儀衛鞍馬散馬各十有五匹駝八百日內
遣散秩大臣一人侍衛三十人在喪次大祭後
執事人員皆綴冠纓百日後剃頭初祭大祭皆
讀文致奠百日內日奠肴饌饌筵皆照懷親王
例辦理再

皇七子繫出痘薨逝所有應焚楮帛暫存貯統於

百日致祭時送燎○初六日由內閣鈔出追贈
皇七子諡曰

悼敏皇子○十一日行初祭禮用金銀定一萬楮
錢一萬饌筵三十一席羊十有九酒九尊親王
以下奉恩將軍以上民公侯伯以下四品官以
上公主福晉以下大臣命婦以上咸齊集讀文
祭酒行禮如儀次日繹祭用金銀定楮錢各二
千饌筵五席羊五酒五尊內務府官員齊集行

禮○二十三日行大祭禮

皇帝親詣祭酒三爵餘與初祭同次日繹祭與前繹祭同○二十七日行周月奠獻禮用金銀定楮

錢各一萬饌筵十有五席羊九酒七尊衆齊集

行禮與初祭同

二三周月致祭儀同

○四月初七日行百

日致祭禮陳金銀定楮錢各一萬饌筵十有五

席羊九酒七尊齊集行禮與周月同○又奏準

本月十七日奉移

悼敏皇子金棺於朱華山

園寢二門外暫安版房內先期於十五日行禮奠
禮用金銀定楮錢各一萬饌筵十有五席羊九
酒五尊陳儀衛衆齊集至日親王以下四品官
以上咸於大門外齊集公主福晉命婦於二門
內齊集內管領祭酒三爵奉金棺升大輦衆咸
於齊集處候過立舉哀內務府堂官祭輦祭酒
三爵金棺啟行前列校尉於馬上陳儀衛鞍馬

八匹金棺後內監等隨行次內府護軍叅領護軍校領執豹尾槍佩儀刀護軍隨行過門橋禮部官祭酒禮工二部堂官各一人及在喪次行走之散秩大臣侍衛等咸送往八旗官各一人兵八十名左右翼副都統二人隨往護衛沿途分爲四站豫蓋蘆棚每站分爲三十班每班夫八十名各備夫四名及夫頭等咸服綠段繡獅花衣各城御史司坊等官照例前往約束各部

院郎中以下主事小京官以上各旗叅領以下散秩官員以上每班各四人鑾儀衛官四人更番指引進退金棺至蘆棚奠饌筵一內管領祭酒三爵衆隨行禮每日駐宿處皆如初將至

園寢在

陵貝勒公大臣及不直班之官員咸於朱華山附近處候迎金棺於道右立舉哀候過隨行至朱華山園寢安奉版房奠饌筵內管領祭酒三爵送往

之王大臣官員並在

陵齊集之貝勒公大臣官員咸隨行禮二十三日行暫
安禮致祭陳設禮儀與前奉移禮同禮畢衆各
退入券以前四時致祭照懷親王例期年內歲
暮清明及中元冬至皆照周月禮用金銀定楮
錢各一萬饌筵十有五席羊九酒七尊清明設
挂楮錢寶花一座期年適逢歲暮改期於二十
七日照百日禮致祭見在券工未竣每祭應用

饌筵羊隻楮帛等物交

陵寢禮部工部內務府總管辦理祭日以

陵寢官祭酒○九月二十五日奉

悼敏皇子金棺安葬先期行奉安禮用金銀定楮
錢各一萬饌筵十有五席羊九酒五尊在

陵之貝勒公大臣官員咸齊集祭畢祭酒三爵移金棺
近隧道屆時祭酒三爵移金棺入地券安奉石
牀掩閉墓門畢祭酒三爵衆隨行禮各退是日

儀衛皆焚訖○又奏準

悼敏皇子金棺安葬後製造

神主於

端慧皇太子龕內東旁安設四時之祭增爵三帛

一不請

神主出龕祝文內增書

悼敏皇子謚號於

端慧皇太子之次○又奏準

悼敏皇子神主工竣於十一月初二日刻字初三日填青初五日題主奉

旨命內閣學士一人禮部侍郎一人題主○十五年三月十五日

皇長子定安親王薨是日

諭皇長子誕自青宮齒序居長且年逾弱冠誕育皇孫今遘疾薨逝朕心深爲悲悼宜備成人之禮著追封親王一切喪儀該部詳察典禮具奏至彌留

之際遷移外所以便殯歟雖屬內廷向例但當沉
綿疾亟令其遠遷朕心實有所不忍况園亭不同
大內著即於皇長子所居別室治喪其親王爵即
令皇長孫綿德承襲朕近年屢遭哀悼之事於至
情實不能已侍奉

慈闈自當以禮節情且皇長子幼而質弱朕加恩顧復
念其未能承受厚福原非端慧皇太子悼敏皇子
望其可屬承祧者比雖父子至情實不能忍而輕

重所繫朕豈不知明諭至此諸王大臣可不必爲朕過慮矣欽此○是日奏準

皇長子薨逝金棺照例用杉木漆飾十五次內襯錦綺五層

皇帝輟朝三日衆素服三日和碩親王以下奉恩將軍以上民公侯伯以下騎都尉品級官員以上公主福晉以下二品官命婦以上咸齊集男摘冠纓女去首飾

皇長子福晉側福晉及所生皇孫皇孫女咸成服
剪髮摘耳環至百日除服剃頭二十七月內素
服所屬婦女內監近侍皆成服剪髮摘耳環百
日除服剃頭秦遣近支王公成服於大祭日除
服剃頭散秩大臣三人侍衛六十人及內管領
二人內務府委出佐領下男婦成服於大祭日
除服百日剃頭每日奠獻二次設儀衛至十七
日奉移以後停止奉移之日衆齊集金棺前列

儀衛鞍馬散馬後以內府護軍叅領率內府護軍執豹尾槍四佩大刀四隨行禮部官祭酒三爵乃啟行所過門橋禮部官祭酒至

靜安莊暫安處禮部堂官祭酒三爵安奉畢衆各退百日內日朝奠肴饌筵晡奠果饌筵各一皆內管領祭酒初祭大祭滿月百日等致祭皆禮部堂官一人祭酒初祭用金銀定楮錢各七萬畫段一千各色楮帛九千饌筵三十一席羊九

酒九尊讀文致祭衆齊集祭文由翰林院撰擬
次日繹祭用金銀定楮錢各二千饌筵五席羊
五酒五尊大祭如初祭禮次日繹祭如前繹祭
禮周月百日四時期年等祭咸照懷親王例百
日後四時之祭不齊集不設儀衛奉

旨發引著於十九日移送以前著三次奠獻○十六
日

諭內務府禮部等議皇長子和碩親王喪於第三日

移殯靜安莊東園輟朝三日等語定議之意思因
皇長子別室近在御園之內不欲延留恐傷朕心
其輟朝之期亦照親王定例但三日移殯爲時太
速朕實有所不忍且齒序居長理當從優著改於
第五日發引殯既未移亦不忍遽易常服視事著
輟朝素服五日欽此○十八日遵

旨奏準

皇長子薨逝欽奉

諭旨追封親王應請封號嘉名交與內閣撰擬謚號
由宗人府具題請

旨交內閣撰擬均進呈

欽定令欽天監擇日追封翰林院內閣撰擬冊文祭
文製造紙冊各衙門備辦祭品由部奏遣大臣
一人前往讀文致祭宣讀冊文陳設儀衛照例
齋集是祭用金銀定楮錢各一萬饌筵十有五
席羊九酒七尊祭畢冊文同祭文送燎至建立

神主事宜於相度寢園已定後交各該衙門照例辦理其皇長孫襲封親王之處應俟受封日將應行典禮再行具奏○又議準

皇長子喪禮五日素服以後初祭以前大臣官員咸常服不挂素珠初祭以後挂素珠四月初一日起照常服用補服○二十三日行初祭禮

皇帝親詣致祭於東旁坐祭酒三爵每祭

皇孫及衆行一叩禮餘儀悉照原議○二十七日

諭皇長子定安親王之事大臣官員等皆未剃頭是
因皇子尚未分封向無成例衆人皆欲於大祭後
剃頭此意固是但未遇齋戒可以過大祭剃頭今
遇大祀陪祀大臣官員等若不剃頭於齋戒之意
不符執事並陪祀大臣官員等皆著於四月初一
日剃頭其餘照常於大祭後再行剃頭欽此○又
奏準四月初五日

皇子等致祭

和碩定安親王一次羊酒祭筵祭物咸與周月禮
同二十五日近支親王等致祭五月初三日公
主等致祭禮同是日皆陳設儀衛王公官員福
晉命婦等咸齊集○初六日奏準謹按

冊封親王定例均

頒給冊寶遣正副使持節往封而追封之禮從前謹
備紙冊遣官承祭儀式稍屬參差今此次追封
和碩定安親王應於紙冊外增設紙寶填寫

欽定封號嘉名以昭備物竢追封日遣正副使同

冊文恭送前往宣讀致祭所需紙寶交該衙門製備
初九日行大祭禮

皇帝親詣祭酒儀與初祭同○二十三日奏準本月
二十九日遣正副使詣

定安親王殯前追封致祭是日王公官員福晉命
婦照例齊集設親王儀衛於殯所大門外內府
官設

冊寶案於左右設香案於正中設祭文案於東檐下
鑾儀衛設采亭於

午門前正副使素服詣內閣

冊寶前一跪三叩恭奉由

午門中門出置於亭跪叩如前校尉舁亭前列御
仗黃蓋執事官素服隨行由

端門天安門長安左門中門出由東直門至

靜安莊入正門至殯所大門外亭止正副使詣亭

前一跪三叩正使奉

冊副使奉寶由中門入陳於案行一跪三叩禮退至
門內嚮上立讀祝官奉祭文設於案正使詣香
案前上香復位立宣

冊寶官各詣案前以次宣

冊寶畢復於案正副使行一跪三叩禮由左門出立
於左旁乃進饌讀祝官奉祭文詣正中跪正使
詣奠几前跪衆皆跪讀文畢正使祭酒三爵每

奠一叩衆隨行禮畢徹饌恭奉祭文

冊寶送燎祭用金銀定楮錢各一萬饌筵十有五席
羊九酒七尊祭文內書正使之名正副使由部
將領侍衛內大臣散秩大臣內閣學士禮部堂
官職名具奏恭候

欽命○又奏準五月十五日月祭適逢

北郊齋戒之期應改於十三日○又奏準六月十五日
月祭二十五日百日致祭皆適逢小暑應照例

於奠畢時將楮錢同衣冠收貯竢中元日送燎
○又奏準

定安親王喪儀自百日至期年每月朔望增饌筵
一羊一再期及三年皆照期年禮期年後安葬
以前四時致祭皆饌筵七席金銀定楮錢各二
千五百羊三酒三尊清明設挂楮錢寶花一座
二十七月照百日禮致祭期年之祭陳儀衛衆
齊集四時之祭不設儀衛停止齊集王福晉等

皇孫等咸遵

旨於百日除服○十七年二十七周月適逢小暑照
例將楮錢收貯於中元送燎餘悉照原議如百
日禮○是年九月奏準本月十七日

和碩定安親王金棺移送園寢先期於十五日行
祖奠禮用金銀定楮錢各一萬饌筵十有五席
羊九酒五尊陳儀衛衆齊集至日內務府總管
祭酒三爵和碩親王以下奉恩將軍以上民公

侯伯都統尚書子以下佐領騎都尉等官以上
於大門外按翼齊集公主福晉以下二品夫人
以上各照原齊集處序立候金棺至各舉哀金
棺升大輦禮部堂官祭輦候金棺啟行各退金
棺前校尉於馬上陳列儀衛金棺後令內監等
及內府護軍叅領護軍校護軍等以次執豹尾
槍佩大刀隨行所過門橋禮部官祭酒禮部工
部內務府堂官及辦理喪儀之王大臣原成服

之王公侍衛散秩大臣侍衛等咸往送八旗每旗官一人每翼副都統一人兵八十名行走道路酌量修理每站分爲三十班每班夫役八十八名豫備夫四名咸交與五城選用各服綠段繡獅花衣各城御史司坊官部院衙門郎中員外主事小京官八旗叅領以下等官每班四人管束夫役鑾儀衛官更番指示進退咸與前奉移時同沿塗分爲三宿豫蓋蓆棚福晉

皇孫於蓆棚後住宿金棺至宿處內務府堂官祭
酒三爵衆隨行禮每宿次皆同至園寢日安奉
畢祭酒三爵衆隨行禮九月二十日行遣奠禮
衆齊集陳羊酒饌筵楮帛如祖奠二十五日行
奉安禮設饌筵一羊一楮錢五萬陳儀衛衆齊
集奠獻行禮畢福晉

皇孫豫往墳園候移金棺近園寢祭酒三爵至吉
時安於石牀畢掩閉石門內務府總管祭酒三

爵衆隨行禮焚儀仗訖各退每年清明及中元
歲暮奠設有饌果饌各一羊一酒一尊清明設
挂楮錢寶花一座歲暮用金銀定楮錢各一千
其神主龕及祭器等項交工部製造○又奏準
定安親王奉安

園寢在密雲縣董家莊距

皇陵遙遠所需祭品不能歸并

陵寢辦理每年照親王例清明及中元歲暮三次致祭

饌筵羊酒應由內務府令內尚茶尚膳房委人
前往豫備俟定親王分封出府後一切祭祀交
王府自行奠獻○又奏準

定安親王神主安奉饗堂應遣滿漢大學士各一
人題主內閣學士禮部堂官各一人監視刻字
填青奉

旨命內閣學士一人禮部侍郎一人題主

欽定大清會典則例卷九十